



Број/Број: 01/6-50-1-8-18/09

Сарајево/Сарајево, 12.10.2009.

## Z A P I S N I K

### 18. sjednice Komisije za ostvarivanje ravnopravnosti spolova, održane 12. 10. 2009. godine

Osamnaestoj sjednici Komisije za ostvarivanje ravnopravnosti spolova, održanoj 12.10.2009., prisustvovali su članovi Komisije: Mirjana Malić, Remzija Kadrić, Halid Genjac, Jozo Križanović i Rifat Dolić.

Sjednici su prisustvovali i direktorica Agencije za ravnopravnost spolova BiH Samra Filipović Hadžabić sa saradnikom Adnanom Kadribašićem.

Na sjednici je bio i sekretar Komisije Davorin Semenik.

Prije usvajanja dnevnog reda sekretar Komisije predložio je da se, kao prethodno pitanje, riješi pitanje predsjedavanja sjednicom, s obzirom da sjednici ne prisustvuju predsjedavajući ni zamjenik predsjedavajućeg Komisije, pa je ukazao na odredbe člana 33. stav (2) Poslovnika Predstavničkog doma kojim bi se postiglo rješenje budući da je mjesto prvog zamjenika predsjedavajućeg upražnjeno.

Nakon kraće rasprave odlučeno je da sjednicu vodi Mirjana Malić, a da se Klub poslanika SNSD-a obavijesti o potrebi popunjavanja ove komisije, u skladu s odredbama Poslovnika.

Nakon toga za sjednicu je usvojen sljedeći

### DNEVNI RED

1. Usvajanje Zapisnika 17. sjednice Komisije;
2. Prijedlog zakona o izmjenama i dopunama Zakona o ravnopravnosti spolova BiH, predlažać: Vijeće ministara BiH, rasprava o principima Zakona;
3. Razmatranje Godišnjeg izvještaja Vijeća ministara BiH o statusu spolova u BiH za 2008. godinu;
4. Razmatranje Inicijative Agencije za ravnopravnost spolova BiH za izmjenu Poslovnika Vijeća ministara BiH;
5. Pripreme za tematsku sjednicu: *Obrazovanje i ravnopravnost spolova - analiza zastupljenosti problematike ravnopravnosti spolova u udžbenicima*;
6. Informacija o posjeti delegacije Parlamenta Kraljevine Švedske;
7. Ostala pitanja.

### Ad 1. Usvajanje Zapisnika 17. sjednice Komisije

Zapisnik 17. sjednice Komisije usvojen je jednoglasno, bez primjedbi.

## **Ad 2. Prijedlog zakona o izmjenama i dopunama Zakona o ravnopravnosti spolova BiH predlagač: Vijeće ministara BiH, rasprava o principima Zakona**

Predstavnica predlagača Samra Filipović Hadžiabdić, direktorica Agencije za ravnopravnost spolova BiH, iznijela je razloge za donošenje ovog zakona, te podsjetila na principe na kojima se zasnivaju predložena rješenja.

Nakon njenog obrazloženja, a na prijedlog predsjedavajuće, jednoglasno je usvojeno sljedeće

### **MIŠLJENJE**

#### **o Prijedlogu zakona o izmjenama i dopunama Zakona o ravnopravnosti spolova BiH**

Parlamentarna skupština BiH primila je, 25. 9. 2009., Prijedlog zakona o izmjenama i dopunama Zakona o ravnopravnosti spolova BiH.

Komisija za ostvarivanje ravnopravnosti spolova je na 18. sjednici, održanoj 12. 10. 2009. , razmatrala u prvoj fazi navedeni prijedlog zakona predlagača Vijeća ministara BiH, pa je nakon rasprave jednoglasno odlučila:

**Komisija za ostvarivanje ravnopravnosti spolova podržava principe Prijedloga zakona o izmjenama i dopunama Zakona o ravnopravnosti spolova BiH.**

## **Ad 3. Razmatranje Godišnjeg izvještaja Vijeća ministara BiH o statusu spolova u BiH za 2008.godinu**

Izvještaj o ovom dokumentu podnijela je direktorica Agencije za ravnopravnost spolova BiH, pa je nakon rasprave o potrebi da se o sadržaju dokumenta upoznaju i oba doma PSBiH, na prijedlog Joze Križanovića, donesen zaključak kojim se traži da Agencija za ravnopravnost spolova BiH pripremi dodatnu informaciju kojom bi se apostrofirala i dodatno pojasnila najznačajnija mjesta u Godišnjem izvještaju u smislu oblasti u kojima je ostvaren napredak, odnosno u kojima je stanje loše i o mjerama koje se preduzimaju. Nakon toga bi se na sjednici Komisije o tome ponovo raspravljalo i odlučilo o upućivanju dokumenta u oba doma.

## **Ad 4. Razmatranje Inicijative Agencije za ravnopravnost spolova BiH za izmjenu Poslovnika Vijeća ministara BiH**

Članovi Komisije saglasili su se s Inicijativom Agencije za ravnopravnost spolova BiH za izmjenu Poslovnika Vijeća ministara BiH, kojom bi se utvrdila usaglašenost propisa koje utvrđuje Vijeće ministara BiH sa Zakonom o ravnopravnosti spolova BiH, te su usvojeni sljedeći

### **ZAKLJUČCI**

1. Komisija za ostvarivanje ravnopravnosti spolova Predstavničkog doma Parlamentarne skupštine BiH podržava Inicijativu Agencije za ravnopravnost spolova BiH pri Ministarstvu za ljudska prava i izbjeglice BiH za dopunu Poslovnika o radu Vijeća ministara BiH;
2. Komisija smatra da bi se propisivanjem obaveze da se dokumenti koje donosi ili predlaže Vijeće ministara BiH dostavljaju na ocjenu Agenciji za ravnopravnost

spolova BiH u pogledu usklađenosti sa Zakonom o ravnopravnosti spolova BiH postigao značajan napredak u ovoj oblasti, te istovremeno ispunile preporuke UN CEDAW komiteta, kao i eliminirala potreba za naknadnim usaglašavanjem propisa sa Zakonom o ravnopravnosti spolova BiH;

3. S ovim zaključcima potrebno je upoznati Vijeće ministara BiH posredstvom Agencije za ravnopravnost spolova BiH.

#### **Ad 5. Pripreme za tematsku sjednicu: *Obrazovanje i ravnopravnost spolova - analiza zastupljenosti problematike ravnopravnosti spolova u udžbenicima***

Sekretar Komisije upoznao je prisutne da je, prema Planu rada za 2009. godinu, preostala još jedna od značajnih aktivnosti koju treba provesti a to je tematska rasprava o zastupljenosti problematike ravnopravnosti spolova u udžbenicima. Odlučeno je da se tematska sjednica pripremi u saradnji s Agencijom za ravnopravnost spolova BiH, da se na sjednicu pozovu predstavnici nadležnih ministarstava, pedagoških zavoda, školskih ustanova, nevladinih organizacija, te da se sjednica održi narednog mjeseca.

#### **Ad 6. Informacija o posjeti delegacije Parlamenta Kraljevine Švedske**

Komisija je dobilo pisanu Informaciju o posjeti delegacije Parlamenta Kraljevine Švedske Parlamentarnoj skupštini BiH, pa kako nije bilo rasprave, primljena je k znanju.

#### **Ad 7. Ostala pitanja**

U okviru ove tačke, Samra Filipović Hadžiabdić upozнала je Komisiju o toku priprema za studijsko putovanje u Španiju, koje bi trebalo da bude realizirano u novembru ove godine.

Također, Mirjana Malić je, kao predsjednica Organizacionog odbora, upozнала prisutne o pripremama za 2. regionalnu konferenciju parlamentarki, koja će biti održana 15. oktobra 2009. , u zgradi Parlamentarne skupštine BiH, pozivajući prisutne da prisustvuju ovom skupu.

Nakon što je realiziran dnevni red, sjednica je završena u 14,20 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić